



## **Aningaasaqarnermut Aatsitassanullu Naalakkersuisoq**

**Ulloq:** 27. marts 2015  
**J.nr.:** 01.31.06/15-00688

### **Aningaasaqarnermut Akileraartarnermullu Ataatsimiititaliap tallimangornermi ulloq 27. marts 2015-imi aalajangiineranik Naalakkersuisunut ilisimatitsineq.**

#### **Tarnikkut nappaatilinnut pinerluuteqarsimasunut atugassanik nuussinermut tun- ngatillugu ilassutitut aningaasaliissutit – suliaq nr. 01.31.06/15-00688.**

Naalakkersuisut inassutigaa,

Kontomi pingaarnermi 34.11.02-mi *Napparsimasut nunani allani katsorsarne-  
qartarnerat, tarnikkut nappaatillit* aningaasaliissutit 2015-imi 1.250.000  
koruuninik qaffanneqarnissaat.

#### **Aningaasaqarnermut Akileraartarnermullu Ataatsimiititaliap oqaaseqaatai apeqqu- taalu:**

Aningaasaliissutissatut qinnuteqaatip matuma akuersissutigineqarneratigut Peqqissutsimut Naalakkersuisoqarfik 2015-imi aningaasanut inatsit suli akuersissutigineqanngitsoq aningaasaliissutinik atuisinnaalissaq, tamanna suliaq nukinginnartuunera eqqarsaatigalugu pisariaqarpoq.

Aningaasaliissuteqarnissamik qinnuteqaammik matuminnga Aningaasaqarnermut Akileraartarnermullu Ataatsimiititaliap akuersissuteqarsinnaanera sioqqullugu suliaq, ataatsimiititaliap isumaa malillugu pissutsinik tunngaviusunik imaqartup Naalakkersuisunit saqqummiunneqarnerata itisiliivigineqarnissaa ataatsimiititaliamit kissaatigineqarpoq. Tamanna tunngavigalugu ataatsimiititaliap Peqqissutsimut Naalakkersuisoq siunersiorpaa. Pinerluttulerinermik inatsit naapertorlugu kalaallit innuttaasut danskit inissiisarfiini inissineqartussanngorlugit eqqartuunneqarsimasut pillugit suliani danskit kalaallillu oqartussaasut akornanni atuuffiit agguataarneqarnerat danskit oqartussaasuinut paaseqatigiissutigineqarnissaat pisariaqartinneqartoq siunersuineri paasinarsorinarpoq. Taamaattumillu tamanna pillugu isumaqatigiissuteqarnissaaq piaartumik sulissutigeqqullugu Naalakkersuisut ataatsimiititaliamit kaammattorneqarput.

Peqqinnissaqarfiup sullissineri il.il. pillugit Inatsisartut peqqussutaat nr. 15, 6. november 1997-imeersoq naapertorlugu kontomut pingaarnermut siuliani taaneqartumut aningaasaliissuteqartoqartarpoq. Ataatsimiititaliamit eqqumaffigeqquneqassaaq suliaq ataatsimiititaliamit akuerineqarsinnaassappat konto pingaarnermi aningaasaliineri tunngaviup annertusineqarnissaa pisariaqassammat, taamaaliornikkut pinerluttulerinermi inatsit naapertorlugu eqqartuussivimmi aalajangiinerit naapertorlugit aningaasaliissutit aamma tunniunneqarsinnaaqqullugit.

Aningaasaliissuteqarnissamik qinnuteqaatip matuma Aningaasaqarnermut Akileraartarnermullu Ataatsimiititaliamit akuerineqarneratigut aningaasat qinnutigineqartut AIS 2015-ip aappassaaneerineqarnerani tassunga ilanngunneqarsimassasut naatsorsuutigineqarpoq.

**Aningaasaqarnermut Akileraartarnermullu Ataatsimiititaliap aalajangiinera**  
Siuliani allassimasutut oqaaseqaateqarluni Naalakkersuisut inassuteqaataat Aningaasaqar-  
nermut Akileraartarnermullu Ataatsimiititaliamit **akuerineqarput.**

Ataatsimiititaliaq sinnerlugu

Jens Immanuelson  
Aningaasaqarnermut Akileraartarnermullu Ataatsimiititaliap siulittaasua